

德化縣志卷之十八

祥異志一覽表

禾之祥一 花之祥六	康熙五十九年 乾隆九年	康熙二十八年 順治十七年	康熙二十八年
木之祥一 天之異十二	崇禎九年 嘉靖四十四年	崇禎九年 嘉靖四十四年	全 四十五年二
崇禎十五年 康熙六十年	順治十三年 雍正七年	康熙五十九年 全 十三年	全 二十八年
光緒十年	全 十九年	全 二十八年	
地之異二 水之災十四	正德十二年 慶元五年	宣統三年 洪武三十一年	
嘉靖四十三年 康熙十五年丙辰	萬曆二十五年 乾隆三十五年	全 四十五年 全 五十五年	
嘉慶十六年 光緒十五年	道光二十九年 全 十七年	同治七年 全 三十年甲辰	
火之災十 嘉慶十三年	雍正四年 道光六年	乾隆六十年 光緒十一年	
光緒十八年 光緒三十年	全 二十一年 全 三十四年	全 二十九年	
風之災一 早之災四	宣統元年		

德化縣志

卷十八 祥異一覽表

按邑故多旱田率依山晴即苦旱亦不為害故記少

光緒二十六年

光緒二十八年
饑之災十二

嘉靖四十二年

隆慶元年

康熙四十九年

全 十九年
乾隆八年

全 三十五年
全 六十年

道光元年
光緒二十四年

全 五年

全 六年

獸之災五
康熙二十年虎

洪武二十年虎
咸豐九年虎

嘉靖四十一年鼠
光緒十七年虎

疫之災一
年之豐二

光緒二十六年
康熙十九年

光緒三十三年

祥異志

星象明暗不循其常則隨所屬而機先見詩書所載春秋所紀災祥之應
歷歷不爽有則必書以志異也邑自雷雨畫丁祥固著焉而水旱災稜之
警亦復不少前事不忘勤恤民隱者豈視等齊諧哉志祥異

宋慶元五年大水化龍橋即今雲龍

明洪武二十年虎為災黑虎四出白晝噬人於牖下或夜闔室盡噬緣是死亡轉徙相續戶口耗田野荒

三十一年大水縣前溪水驟漲民廬蕩圮

正德十二年地生白毛石罅水柯皆有一夜長二三寸或四五寸兩閱月乃沒

嘉靖四十一年田鼠為災一畝之田多至數千奪食秧冬食穀田畔皆鼠道草為不生次年米貴

四十二年饑受上年鼠害至是米貴民多餓死

四十三年夏五月大水十九夜暴雨黎明縣前水深丈餘衝激之聲若雷民居漂流過半東城壞

四十四年冬十一月雨木冰初四日寒甚雨酒林木凝而成冰

四十五年春正月大雨雹日十六 秋七月大風雨雹 初十日午雲暗如昏雨雹似彈平地盈尺四山盡白須臾而消

同年秋冬大旱無禾

隆慶元年饑受上年大旱至是大饑

萬曆二十五年大水雲龍橋壞橋上溺死者數十人廬舍民畜漂沒不可勝計

四十一年大水復壞雲龍橋民廬物畜漂溺甚多

崇禎九年枯木生縣署後垣有大樟合數抱枯已數年忽生枝葉論者以為邑令姚運愛民之祥

十五年雨血雨水如血屋溜皆紅亦有一屋之溜左白而右紅者以孟承空中亦紅白不等

清順治十三年春正月大雪十五日天寒平地雪深五尺許

德化縣誌

卷十八 祥異

十七年夏瑞蓮生縣東沙堤齋池連開五色明年李道泰登第

康熙四年饑邑民多往戴雲山掘取土苽食之賴以全活土苽葉圓藤紫實似芋

十五年夏四月大水十六日晨大雨已刻溪水暴漲入城平地水復湧出瞬息淹屋白浪滔天邑城自西至東樓垣廬舍盡湮為壑男女遺溺沿溪百餘里橋梁盡壞民畜田禾漂沒殆盡時海寇據邑進士李道泰任建昌

令賦詩以悲之山城高臨谿暴漲律及趾不謂丙辰夏兵殘更厄水蛟螭鬪郭門狂奔如醫矢一半入浩波哀如去荻蟻父見子狂呼夫看婦沉委亦復戴屋行男女在床第悲哉波退後沉沙或露亂招魂同一聲投祭並日紀更有全家浮誰泛一陌紙頗有望洋嘆輟施未盡是豈知冥漠中從無浪生死城東版築與取石吾階記甍此流亡餘何須念故壘細問故鄉人人城俱非矣沙石積官道總無舊日市百憂生數逢厭亂何時已

十九年春饑米斗銀六錢 冬有年

二十年虎為災附郭在坊新化等里虎白晝四出聞人聲隨至不匝月吞噬百餘人下寮鄉民慮榮思等伏銃殺一虎頭似馬頂上毒鬚兩垂後左腳獨小是冬又有虎在梅上梅中等里噬人甚多至二十二年患始息

二十八年秋嘉禾生一莖兩穗或三四穗 華實為瑞縣解植蘭葉中挺其幹開花並蒂西園落蘇茄也一帶國實知縣范正格繪圖舉人陳應奎咏詩紀瑞詩見藝文

三十五年大饑明年又饑知縣嚴居敬煮粥以賑

四十九年饑

五十九年春正月大雪平地深五尺許 夏六月瑞蓮生在程田寺池中

六十年夏五月邑北雨水赤在小銘社着物如染

雍正三年夏五月邑南瑞蓮生石傑鄉隆斗堂池中

四年秋八月塔岸街火延燒數十間

七年春正月大雪

十三年春正月大雪林木盡冰

乾隆五年夏閏五月瑞蓮生南埠社植香齋池中

春三月旱至于五月野多石田

八年饑米貴

九年夏四月學宮瑞蓮生知縣魯鼎梅植蓮於泮池逾月瑞蓮生次年王必昌登第

三十五年春三月邑西大水十九夜洞口鄉蛟洪為災鄉民章士籍一家男女二十二口淹沒二十人戚屬二人與焉

五十五年秋七月大水十七日晝夜大雨溪流暴漲壞城垣百丈

六十年春邑北赤水街火

同年冬荒縣中千錢斗米途有餓殍知縣趙鼎新詳請平糶

嘉慶十三年邑北赤水街又火

十六年秋八月大水十六夜大雨水暴溢壞城垣十餘丈

德化縣誌

卷十八 祥異

三

道光元年饑米貴高昂知縣艾榮模詳請平糶穀三千餘石

五年饑知縣王源詳請平糶穀二千餘石

六年塔岸街火雲龍橋上店屋均被焚自是永禁不許復架

同年饑知縣黃梓春詳請平糶穀三千餘石

二十九年秋九月邑北大水初六夜下湧鄉大雨水漲冲壞鄉市二十餘間淹斃鄉民十餘人田園漂沒大溪坂一帶田地悉成沙石

咸豐九年夏六月邑南虎為災石傑社溪邊鄉虎出為患白晝噬人梅嶺密邊一時斃斃三命牲畜被害甚多人家未昏閉戶至冬患乃息

同治七年秋七月邑南大水初七日石傑社大雨沿溪民居變成澤國廬舍田禾悉被淹沒人畜溺斃甚多八九兩年均大水惟為害較前稍殺

光緒十年慧星見餘乃沒是年法夷攻我馬關破之民間謠熾驚惶嗣和約成乃靖

十一年夏四月岳美街火二十二日離鳴由統軍廟前水巷頂起火延燒十餘家

十五年夏溪南大水丁溪水漲入南市坂高至統軍廟邊大路二版止人畜無恙

十七年春三月邑東虎為災石厝鄉虎起為患鄉人吳至鎔同父及幼弟往山採筍父被虎噬鎔哀憤交集執鋤逐之虎棄父噬鎔弟幼不能援父子同時斃命畜多被害遠近咸有戒心

秋八月大水雲龍橋壞半

按自此以後終清世慧星屢見從略國中大故日多內則各省水旱地震饑疫災殺頻年告警外則列國侵侮割地求和條約屢立喪權弱國漸至衰亡

十八年夏五月岳美街火十五夜由東岳廟下殿頂起火延燒數十家

十九年冬十一月大雪二十六夜先雨後雪簷溜為冰黎明雪飛愈大平地深數尺

二十一年冬邑北赤水街火

二十四年夏大饑斗米千錢官紳在崇義祠設局平糶民賴以安自是鮮兆豐年饑饉交至米價漸昂屢平糶

二十六年夏五月旱至七月始雨鼠疫始牛室內鼠先死疫旋作壞人僅一晝夜間甚有暴亡者此疫始于十六年廣東之雷瓊間傳染全國通都大邑每年死以萬計至是由

永春傳入年年不絕先以夏至發後以冬至發症候名目反多其實皆鼠疫也

二十八年大雪如飛絮頃間盛尺惟深遜於前秋七月旱乾甚禾盡赤

二十九年夏四月塔岸街大火十四夜二更下街永春會館右畔第一間火起延燒左至會館斜向水巷止前至雲龍橋頭右至安十廟內計焚店屋百餘溜古蹟石龜燬

三十年春正月塔岸街又火元旦夜半頂街路美巷典當右斜對面火起延燒上至典當火牆下至閣庭頂水巷計焚店屋數十間

附記塔岸原分上下街鱗次櫛比水巷僅可三四尺故一遭回祿動延數十家當是夜下街火起勢熾未甚熾之時使人不自顧已私協力折屋以禦之延燒之廣當不至如上所云頂街所以幸獲無恙者則賴當幾立斷折一以至百耳雖次年元旦夜路美巷至閣庭頂一帶終不免祝融之災然天實為之非人力之不可恃也先是下街火後頂街居民多夢繼火因有移貴重於他處者年終不驗始各歸元且晚飯後永儒劉某戲言曰是街果不免於火莫如今夜事聞人集撲滅當可易意蓋嘲夢者之無徵也詎料旋作導火線即劉妻劉某所遺之星星乎夜半火猝發夫婦僅以身免頃刻延燒又數十家乃歎災侵之來果有先兆劉某亦不幸言而中耳究之劫數難逃半屬人事之未盡果能於架店時加以研究多築火牆以防之加開水巷以隔之廣置水龍以貯之預備水龍以攻之災起倉卒處以鑿定如法施救當不難登時撲滅即或時遇隆冬風力助猛幾於不可嚮邇而為急則治標計尤莫如折屋隔斷之一法如是則先事既有曲突徙薪之謀臨事又切玉石俱焚之懼盡人事與數爭火之為害未始不可以思患預防也有心社會者察之

德化縣志

卷十八 祥異

四

同年夏五月大水邑西雙陽山發蛟初七日黃昏大雨不止兼上林雙陽山蛟洪暴發溪水驟漲城垣崩塌橋梁盡圯民畜田廬禾稼漂沒不可勝計

附記是夜大雨兼雙陽山發蛟平地湧出數十處因之溪瀑暴漲流入北城外洋西門街城內上下市塔岸街店後各水深五六尺幸丁溪水不加長故沿溪橋梁雖盡傾圮禾稼湮沒無遺牲畜淹死不可勝數而附城一帶及上下流臨溪各鄉男女遭溺者僅九十餘人民慮倒場僅數十座城垣崩壞亦只數十丈且知縣孫鵬儀急馳災情上告省憲派委周啓銓督同邑紳王光張鄭玉岡親赴災區分別散賑民得稍安按志比較尚不至如康熙丙辰受災之深也惟查各處室內水湧陷穴者皆有溺人及平視兩岸水勢高下不同為可異與西門街城內罹劫之後繼以兵燹滿目蕭條十室九空原狀至今未復耳

三十三年冬有年

三十四年邑東南埕鄉市火全街盡燬

宣統元年秋八月大風為災初一日晨大雨傍午風雨交作發屋拔木瓦片飛墜如落葉倒牆之聲不絕至午夜方止

三年春正月地大震初三日晨全地震盪牆左右斜尺有咫搖而不仆人盡出戶立足不定食頃漸止幸尚無塌屋自是每日皆有小動

論曰先民有言善言人者必有驗於天蓋和氣致祥乖氣致異往往然也堯水湯旱雖雉祥桑盛世所有豈皆嘉瑞而妖不勝德禳却何神歟古稱子產當國鄭不復火平仲相齊慧為退舍中牟螟不入境九江虎皆渡河則修德弭災又不僅廟堂宜然矣